



Na osnovu člana 22 Statuta Brčko distrikta BiH - prethodni tekst (Službeni glasnik Brčko distrikta BiH, broj 2/10), člana 54 stava 2 Zakona o zdravstvenoj zaštiti u Brčko distriktu Bosne i Hercegovine (Službeni glasnik Brčko distrikta BiH, brojevi 38/11 i 9/13), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10 i 4/13), i Prijedloga odluke Vlade Brčko distrikta BiH broj: 02-000144/13 od 12. 6. 2013. godine, Skupština Brčko distrikta BiH, na 14. redovnoj sjednici održanoj 27. juna 2013. godine, donosi

ODLUKU

O IZMJENAMA ODLUKE O OSNIVANJU JAVNE ZDRAVSTVENE USTANOVE „ZDRAVSTVENI CENTAR BRČKO“ BRČKO DISTRIKT BOSNE I HERCEGOVINE

Član 1

U članu 4 Odluke o osnivanju Javne zdravstvene ustanove „Zdravstveni centar Brčko“ Brčko distrikt Bosne i Hercegovine (Službeni glasnik Brčko distrikta BiH, broj 27/12) stav 3 mijenja se i glasi:

„(3) Sjedište Zdravstvenog centra je u gradu Brčko, Reisa Džemaludina Čauševića a broj 1, Brčko distrikt Bosne i Hercegovine.“

Član 2

U članu 17 stav 3 mijenja se i glasi:

„(3) Pomoć u vršenju dužnosti rukovodjenica Zdravstvenim centrom direktoru pružaju zamjenici direktora.“

Član 3

U članu 28 stav 1 mijenja se i glasi:

„(1) Za direktora Zdravstvenog centra imenuje se osoba koja ima visoku stručnu spremu i najmanje tri godine radnog iskustva.“

Član 4

Član 30 mijenja se i glasi:

**„ Član 30
(Zamjenici direktora)**

- (1) Direktor Zdravstvenog centra ima dva zamjenika od kojih je prvi rukovodilac sekundarne zdravstvene zaštite, a drugi rukovodilac primarne zdravstvene zaštite.
- (2) Zamjenici direktora pomažu direktoru u vršenju njegovih dužnosti i zamjenjuju ga u slučajevima odsutnosti ili spriječenosti.
- (3) Zamjenici direktora imaju sva prava, dužnosti i odgovornosti direktora kada ga zamjenjuju.
- (4) Za zamjenike direktora Javne zdravstvene ustanove mogu biti imenovane osobe koje imaju visoku stručnu spremu i najmanje tri godine radnog iskustva.
- (5) Bliži uslovi za imenovanje zamjenika direktora Zdravstvenog centra utvrđuju se Statutom Zdravstvenog centra.
- (6) Odredbe koje se odnose na proceduru imenovanja, mandat i razrješenja direktora Zdravstvenog centra analogno se primjenjuju i na zamjenike direktora Zdravstvenog centra.“

lan 5

Ova odluka stupa na snagu narednog dana od dana objavljivanja u Službenom glasniku Brčko distrikta BiH.

Broj: 01-02-130/13
Brčko, 27. 6. 2013. godine

PREDSJEDNIK
SKUPŠTINE BRČKO DISTRIKTA BiH

or. a. Koji

Dostavljeno:

1. Predsjedniku
2. Dopredsjedniku
3. Gradonačelniku
4. Odjelu za zdravstvo i ostale usluge
5. Upravnom odboru Javne zdravstvene ustanove
„Zdravstveni centar Brčko“
6. Sektoru za koordinaciju politika i općine poslove
- Odsjeku za općine poslove
7. Arhivi